

# Ժողովուրդ

67  
(2917)

21 մայիսի երեքշաբթի 2024  
տպագրության ԺԳ տարի

Ք. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

## ՄԵՂԱՎՈՐՆԵՐԸ ԳԵՌԵՎԱՄ ԱՆՊԱՏԻԺ ԵՆ



Նախորդ ամիս՝ ապրիլի 15-ին, տեղի ունցած սահմնելեցուցիչ խոշտանգման ու նվաստացման դեպքը շարքային քաղաքացի Սամվել Վարդանյանի նկատմամբ մինչ օրս շարունակում է անպատիժ մնալ:

Հիշեցնենք, որ ապրիլի 15-ին հանրային տրանսպորտում երիտասարդ Սամվել Վարդանյանը, տեսնելով ԱԺ ԶԳ խմբակցության պատգամավոր Հակոբ Ալանյանին, նրան թիրախավորել էր՝ անվանելով «ժեխ բիծա», «դավաճան»: Դեպքից հետո նրան ձերբակալեցին, իսկ քննչականից ձերբակալվածների պահման վայր տեղափոխելու ճանապարհին՝ երիտասարդին դիմակավորված բանդան ծեծել էր, խոշտանգել, սեռական նվաստացման ենթարկել: Այս պահի դրությամբ՝ պատգամավորի նկատմամբ նման վարք դրսևորելու համար Սամվել Վարդանյանի նկատմամբ առաջադրված 2 մեղադրանքների խուլիգանություն եւ քաղաքական հայացքներով պայմանավորված թշնամանք հարուցելու մատով քննությունն արդեն ավարտվել է, եւ գործը շուտով դատարան կմտնի:

Սակայն, երիտասարդին խոշտանգելու գործով մինչ օրս ոչինչ չի արվել. չի պարզվել՝ ովքեր էին ուղեկցող ոստիկանները, դիմակավորված բանդայի անդամները, եւ ինչ պատիժ է սպասվում նրանց:

Կատարվածի առիթով 1 ամիս առաջ «Ժողովուրդ» օրաթերթը ՀՀ վարչապետ Նիկոլ Փաշինյանին հարցում էր ուղարկել՝ հետաքրքրվելով՝ որպես ժողովրդավարությունը թիվ մեկ բրենդ հռչակված կառավարության դեկավար, ինչ գնահատական է տալիս եւ ինչ քայլեր է ձեռնարկել այս անպատժելիության առիթով:

Այս հարցադրումները ՀՀ Կառավարությանից փոխանցել են ՀՀ ՆԳՆ: Նախարարությանից այսպիսի պատասխան ենք ստացել. «ՆԳՆ ներքին անվտանգության եւ հակակոռուպցիոն վարչության 2024 թվականի ապրիլի 22-ի գրությամբ, տեղեկացնում են, որ քաղաքացի Սամվել Վարդանյանի նկատմամբ ենթադրյալ բռնություն գործադրելու հանգամանքների կապակցությամբ հիշյալ վարչությունում իրականացվող ծառայողական քննության ընթացքը կասեցվել է եւ որոշվել է դրան անդադարառնալ ՀՀ քննչական կոմիտեի ՀԿԳ քննության գլխավոր վարչությունում քննվող թիվ 57120424 քրեական վարույթով իրավական գնահատականի վերջնական արդյունքներով: Արդյունքների մասին կհայտնենք լրացուցիչ»:

**Շարունակությունը՝ ArmLur.am կայքում:**

«Լավագույն ավանդույթները» շարունակվում են. «Քաղաքացիական պայմանագիր» կուսակցությանը միլիոնավոր դրամներ փոխանցած տասնյակ անանուն նվիրատուների հարցը տակավին քրեաիրավական գնահատականի չարժանացած՝ ականատես ենք լինում «Իմ քայլը» հիմնադրամի նույն պատկերին: Ըստ հիմնադրամի պաշտոնական կայքի տեղեկության՝ 2023-2024թթ. ընթացքում Աննա Հակոբյանին մուծումներ են կատարել 24 կազմակերպություն եւ ֆիզանձինք, որոնցից 7-ը՝ անանուն կարգավիճակով: Բացի դրանից, նշված տեղեկությունից պարզ է դառնում (տես ArmLur.am կայքում), որ ԶԳՄԿ բաժնետոմսերի մի մասը պետությանը նվիրաբերելը ունեցել է կոնկրետ արդյունք՝ բազմաթիվ տնտեսաքաղաքական մարտահրավերների հորձանուտում գտնվող ԶԳՄԿ-ն չի մոռացել իր ԲՀ-ի միջոցով 2 անգամ մուծվել՝ վիթխարի՝ 70 միլիոն դրամի չափով:



Այսօրվանից մեկնարկում են ԱԺ քառօրյա նիստերը: Օրակարգում, ի թիվս այլ հարցերի, նաեւ Սահմանադրական դատավորի ընտրության հարցն է ընդգրկված, որը դեռ նախորդ քառօրյային պետք է քննարկվեր, բայց հետաձգվեց, քանի որ ՍԴ դատավորի թեկնածուն այդ օրը չէր եկել ԱԺ: Նշենք, որ դատավորի թեկնածուն հակակոռուպցիոն կոմիտեի նախագահ Սատուն Խաչատրյանի եղբայրն է՝ Դավիթ Խաչատրյանը: «Ժողովուրդ» օրաթերթի տեղեկություններով՝ թեեւ ընդդիմադիր պատգամավորների մի մասն այս օրերին Կիրանցում է, բայց նրանց մյուս մասը, որոնք Երեւանում են, կմասնակցեն նիստերին: Ավելին՝ ինչպես մեզ ընդդիմադիր պատգամավորները փոխանցեցին, պատրաստվում են սուր հարցեր ուղղել՝ Տավուշում տեղի ունեցող ապօրինի սահմանազատման վերաբերյալ:



«Ժողովուրդ» օրաթերթին հասած տեղեկությունների համաձայն՝ կին դատավորների մեծ մասը հրաժարվել է ԲԴԻ դատավոր անդամ դառնալուց, եւ նրանք դիմել են ԲԴԻ խնդրելով իրենց անունները հանել ցուցակից: «Ժողովուրդ» օրաթերթը գրել էր, որ մեզ հասած տեղեկությունների համաձայն՝ ՀՀ դատական դեպարտամենտը 10-ից ավելի կին դատավորների ծանուցում է ուղարկել եւ հայտնել, որ նրանք կարող են դառնալ ԲԴԻ դատավոր անդամ: Միաժամանակ կանխատեսել էինք, որ դժվար թե համաձայնողներ լինեն: Եվ ահա, դիմեցինք ԲԴԻ, որտեղից ի պատասխան՝ հայտնեցին, որ. «Ծանուցում ուղարկվել է բոլոր այն դատավորներին, որոնք համապատասխանել են թափուր հաստիքը համալրելու չափանիշներին. ուղարկված ծանուցումներից բացառությամբ վարչական դատարանի դատավոր Մերի Համբարձումյանի՝ մնացած ծանուցվածները տեղեկացրել են, որ իրենք չեն ուզում ընդգրկվել քվեարկությունում, հետեւաբար իրենք ավտոմատ դուրս են մնացել»: Նկատենք, որ առաջին ատյանի դատարանից 10, իսկ մասնագիտացված դատարանից 3 կին դատավոր է ծանուցվել, որ համապատասխանում են ԲԴԻ դատավորի անդամ դառնալու չափանիշներին: Եվ ահա, ծանուցված 13 դատավորներից 12-ը հրաժարվել են գնալ ԲԴԻ-ն ու դիմում են ներկայացրել, որ իրենց անունները չներառնեն քվեաթերթիկում: Ասել է թե՛ կին դատավորների զգալի մասը ցանկություն չունի գնալ ԲԴԻ-ն:



ԶՐՈՒՅՑ

# ԱՐՎԵՍՏԱԳԵՏԸ ՊԻՏԻ ԱՍԻ ՃԵՄԱՐՏՈՒԹՅՈՒՆԸ

«Ժողովուրդ» օրաթերթը գրուցել է կինոռեժիսոր Հովհաննես Գալստյանի հետ՝ «Տավուրը հանուն հայրենիքի» արժանան մասին:

-Արդեն տեսական ժամանակ է, ինչ սրբազան հայրը մայրաքաղաքում է, եւ իրականացնում են քայլեր, խաղաղ անհնազանդության ակցիաներ, ինչ կարծիք ունեք այս մասին, մասնակցում եք:

-Այո, մասնակցում եմ, չնայած ունեմ «ՎԵՐԱ» ֆիլմի հաստատված ժամանակացույց, որը անընդհատ վերածելում ենք՝ շարժմանը ֆիզիկապես մասնակցելու համար, ինչից տուժում են բազմաթիվ մարդիկ, բայց թիմը միակամ է. առայժմ չեն ըմբոստանում դրա դեմ:

Ես կուզեի ավելի ակտիվ ներգրավված լինել, բայց այն, ինչը մենք անում ենք «ՎԵՐԱ» ֆիլմով, վստահաբար, պակաս կարելուր չէ մեր հայրենիքի համար, Արցախի, Արցախից բռնի տեղահանված մեր հայրենակիցների, իրենց պապերի, ապուպապերի, մի ամբողջ հավերժություն իրենց պատկանող հողի վրա ապրելու իրավունքի վերականգնման համար: Ի դեպ, մինչ այս պահը, մենք Հայաստանում «ՎԵՐԱ» ֆիլմը պատրաստում էինք միանգամայն միայնակ, առանց աջակցության, ինչը չափազանց բարդ բան է կինոարտադրության մեջ, գրեթե անհնար: Սա փոքր դրվագ է, աննշան մի խազ երկրում տիրող կառավարման քաոսի մեջ, բայց այն, որ մենք, այսպիսի բացառիկ կինոմատոգրաֆիական ազդեցիկ պատմություն կերտելով, նման հզոր զենք ստեղծելու ճանապարհին չունենք աջակցություն սեփական երկրում, դա մեր երկրի չկայացվածության, ապաշնորհի կառավարման մասին է, այնպես որ, մեր թիմն ու ես Բագրատ Սրբազանի կողքին ենք՝ պայքարի առաջին օրից. մենք նույն բանի համար ենք պայքարում:

-Սրբազանի շարժմանը միացել են արվեստի շատ ներկայացուցիչներ, մտավորականներ եւ այլք: Ինչքանով է կարելուր մտավորականության եւ արվեստի ներկայացուցիչների ներգրավվածությունը այս շարժմանը:

-Մշակութային գործիչ բառի բովանդակությունը շատ խորին է, եւ կխոսեմ ավելի հստակ խմբի՝ արվեստ արարողների, արվեստագետների մասին: Ցանկացած երկրի պատմության մեջ լինում են բարդ շրջափուլեր, երբ արվեստագետը, ստեղծագործելուց զատ, պետք է նույն տաղանդով, նույնքան շնորհալի ձեռավորի եւ արտահայտի քաղաքացիական կամ քաղաքական բովանդակություն: Դրա համար նա արժանանալու է հավանության, որովհետեւ իշխանություն ունեցողները եւ ընդհանրապես հասարակության պահպանողական շերտերը միշտ սարսափում են



անկեղծ, ուղիղ, շնորհալի խոսքից: Իմ ընկեր, կինոպրոդյուսեր Արմեն Գրիգորյանը ճշմարտությունը բարձրաձայնելու համար վճարեց կյանքով: Իմ ֆիլմերը վեց երկար ու ձիգ տարիներ գրված են պետական ֆինանսավորումից: Բայց միեւնույն է, կան պահեր, երբ արվեստագետը պետք է հաղթահարի վախն ու ասի ճշմարտությունը: Ճշմարտությունն այն է, որ մեր հայրենիքը կառավարում են մարդիկ, որոնց մտավոր, բարոյական, մասնագիտական որակները հակասում են իրենց ստանձնած առաքելությանը՝ հայրենիքը կառավարելուն: Նրանք ապականում են մեր հայրենիքը՝ ներքաշելով մեզ ստի, ատելության, բանասրկությունների, մանկապլյացիաների սարդոստայնի մեջ, ու մենք տեսնում ենք, որ քաղաքական համակարգը ի գործն է կանգնեցնելու իշխանության գլխին կանգնած խմբակի:

Ընդդիմությունը ամբողջ 4 տարի, հասարակության լայն աջակցության պայմաններում անգամ, ի գործն չեղավ ստանձնել իշխող ուժին իշխանագրկելու պատասխանատվություն: Քաղաքական ուժերի զինանոցը, այդ թվում՝ ֆինանսական, մտավոր, մասնագիտական ռեսուրսները, բավարար չեն իշխանության գլխին կանգնած մեկ մարդուն իշխանությունից հեռացնելու համար: Գոյաբանական վտանգի դիմաց հայտնված ազգը ստիպված է մոբիլիզացնել իր բոլոր առողջ ռե-

սուրները՝ զարգացման բնականոն ընթացքին վերադառնալու համար. ու սա է պատճառը, որ հայ ազգի երկու ամենահզոր ռեսուրսները՝ Հայ Առաքելական Եկեղեցին, իր ինստիտուցիոնալ փորձառությանը, կազմակերպչական ցանցով եւ հայ ազգային էլիտան՝ արվեստ, գիտություն արարող մարդիկ, լայն իմաստով՝ մտավորականությունը, որոշել են նեցուկ լինել, իսկ գուցե նաեւ ուղղորդել քաղաքական ուժերին՝ մեր հայրենիքը կորուստների անվերջանալի շրջանից դուրս հանելու համար:

-Ըստ Ձեզ՝ կիսաշողյվ՝ Բագրատ Սրբազանին՝ հասնելու նպատակին:

-Բագրատ Սրբազանը շատ ազդեցիկ քարոզիչ է, լայնախոհ հոգեւորական: Իմ տպավորությամբ, նա խորապես գիտակցում է վտանգը եւ հասկանում է, որ հաջողության բանալին մեկն է՝ միասնականությունը: Ցավոք, այդ բանալին մեր հակառակորդի ձեռքում է ու նա կիրառում է իր բոլոր գործիքները՝ մեզ պառակտելու համար: Մինչ այս պահը Բագրատ Սրբազանը կարողանում է սանձել պառակտման հողմերը ու ցանում է միասնականության սերմեր. այդ սերմերը եթե ծիլեր դառնան, մենք կարող ենք փրկվել: Միասնականություն, հավատ՝ սեփական ուժերի հանդեպ, համբերություն եւ ճնշում. ու խավարը կնահանջի:

Զրուցեց ԱՆՆԱ ՍՐԿՈՒՆՅԱՆԸ



## ՍՐԲԱԶԱՆԸ ԳՆԱՑԵԼ Է ԿԻՐԱՆՑ

Տավուրի թեմի առաջնորդ, «Տավուրը հանուն հայրենիքի» շարժման առաջնորդ Բագրատ Սրբազանին երեկ հաջողվել է հասնել Կիրանց: Այս մասին փոխանցել է ընդդիմադիր պատգամավոր Գառնիկ Դանիելյանը:

Նշենք, որ մեծաթիվ ոստիկանական ուժեր փակել էին Կիրանց տանող ճանապարհը: Նրանք մի քանի շաբթով պատ էին կազմել եւ արգելում էին պատգամավորներին առաջանալ գյուղ:

## ՍԱՀՄԱՆԱՊԱՀ ԶՈՐՔԵՐԻ ՏԵՂԱԿԱՅՄԱՆ ՄԱՍԻՆ

«Միակողմանի զիջումները, որոնք արվել են ադրբեջանական կողմին, արդեն իսկ այսօր իրենց արտացոլումն են գտնում Կիրանց գյուղի տարբեր հատվածներում տեղադրված սյուներով: Արդեն իսկ առաջին սյուներն են տեղադրվել Կիրանց գյուղում գյուղը բաժանելով երկու մասի՝ ադրբեջանական եւ հայկական».- Տավուրի մարզում երեկ հայտարարել է ԱԺ պատգամավոր Գառնիկ Դանիելյանը:

Դանիելյանը հավելեց. «Առանց որեւէ երաշխիքի, առանց միջազգային ստանդարտի, միջազգային նորմերի կիրառման միակողմանի զիջումներ են իրականացվել: Չկա աշխարհում մի պրակտիկա, որ գյուղը բաժանելով երկու մասի՝ իրականացվի նման գործընթաց: Ամբողջությամբ ապօրինի է, եւ այս իշխանությունները հուլիս ամսին ԱԺ-ում պետք է հաստատեն սահմանազատման եւ սահմանազման նորմը: Այսինքն՝ առանց նորմերը հաստատելու, առանց որեւիցե բանի զիջվում են կենսական նշանակություն ունեցող տարածքներ, առաջնագիծ, գերիշխող դիրքեր, Հայաստան-Վրաստան միջպետական ճանապարհը, սրբավայրեր, եկեղեցիներ: Սահմանն անցնելու է Կիրանց գյուղի կենտրոնում գտնվող դպրոցի հարեանությամբ: Ինչպե՞ս պետք է հայ մարդն անվտանգ լինի»: Նա հայտարարեց, որ սա հիմք է դնում ՀՀ զինված ուժերի կազմաքանդման: «Այսպես կոչված սահմանապահ զորքեր տեղակայելով՝ ՀՀ զինված ուժերը լուծարվելու են: Դա Իլհամ Ալիևի պահանջն է, ատում են՝ եթե չկատարենք, պատերազմ է լինելու».- Նշել է նա:

Գառնիկ Դանիելյանը հիշեցրեց, որ 1990-ական թվականներին ՀՀ անվտանգությունն ապահոված հերոսներն Ադրբեջանի ցուցակներով հանցագործ են: «Պիտի պահանջն է ՀՀ իշխանություններից, ասեն՝ քանի որ դուք այստեղ մեր ներկայացուցիչներն եք, այս մարդկանց հանձնեք, ինչպես որ Արցախի մեր ռազմաքաղաքական ղեկավարությանը հանձնեցին. հիմա էլ Բաղախիում ցուցակները հրապարակվել են, նախնական ցուցակներ են, ասելու են՝ որ այս մարդկանց չհանձնենք, պատերազմ է լինելու, Ժողովուրդ ջան».- ասել է նա:

## ՆԻԿՈՒ ՓՈՇԻՆՅԱՆԸ ԽԱԲԵԼ Է ՄԱՍ 210

# ԹԱՓԱՌՈՂ ԿԵՆԴՐԱՆԻՆԵՐԻ ՀԱՐՑԸ՝ ԶԼՈՒԾՎԱԾ

16.09.2019թ.ին կայացած մամուլի ասուլիսի ժամանակ Նիկոլ Փաշինյանը հայտարարել էր. «Երեսնամյա ստեղծվել է թափառող կենդանիների վնասագեղծման ՀՈԱԿ-ը»:

Սրանով դադարեցվել է շների սպանդի ակթույլատրելի պրակտիկան: Թափառող կենդանիները համարակալվում են, ստերջացվում են, նրանց մի մասը հանձնվում է խնամքի: ՀՈԱԿ-ի համար կառուցվում է կայան, որն ապահովված կլինի ժամանակակից հարմարություններով:

«Ժողովուրդ» օրաթերթը պարզեց, որ երեսնամյա եւ ընդհանրապես՝ Հայաստանի Հանրապետության ողջ տարածքում թափառող կենդանիների խնդիրն այժմ շատ ավելի սրված է, քան նախկինում: Բազմաթիվ են թափառող շների կողմից մարդկանց վրա հարձակման վերաբերյալ քաղաքացիների ահազանագեղծքեր:

Դեպքերի քանակական պատկերը հետևյալն է՝

- ✓ 2022թ. - 133 դեպք
- ✓ 2023թ. - 134 դեպք

✓ 2024թ. հունվարին՝ 5 դեպք: Խոսքը ոստիկանություն ահազանագեղծքի մասին է: Իսկ գերակշիռ դեպքում քաղաքացիները չեն դիմում ոստիկանություն կամ հիվանդանոցներ, այլ տնային պայմաններում են կազմակերպում բուժումը: Պատգամավոր Գառնիկ Դանիելյանն անգամ կրկնակի կծելու դեպքերի մասին էր ահազանագեղծք:

Մարզերում չկան կենդանիների վերահսկման եւ վնասագեղծման մասնագիտացված կենտրոններ, անգամ բյուջեում գումար չի առանձնացվում:

ԻՐԱՎԻՃԱԿ

ԱՆՊՐԱՂՈՐԶ

«ԳՅՈՒՂԸ ԿԻՍՎՈՒՄ Է ԵՐԿՈՒ ՄԱՍԻ»

Ամբողջ աշխարհը ողբ է հասկանա՝ Հայաստանում ինչ բարեք են սիրում:



Կիրանցեցիները կրկին ճանապարհը փակել էին:

Ոստիկանական ուժերը երեկ ընդդիմադիր պատգամավորների եւ մշակութային մի շարք գործիչների արգելում էին մտնել Կիրանց:

Ընդդիմադիր պատգամավորների այլընտրանքային ճանապարհով հաջողվեց

հասնել գյուղ: Ազգային անվտանգության ծառայությունը հաղորդագրություն էր տարածել, որ Տավուշի Կիրանց գյուղի հատվածում իրականացվում են սահմանի պահպանությունը ստանձնելուն ուղղված նախապատրաստական աշխատանքներ:

ԱՆՆԱ ՍՈՒՊԻՈՆՅԱՆ

ՀԻՇԵՑ ԸՈՒՇԻՈՒՄ ԶՈՂՎԱԾ ՈՍՏԻԿԱՆՆԵՐԻՆ

«Արյուն կա իրենց վզին: Այդ տղաներից չորսին ես եմ հուղարկավորել»,- Կիրանցի փակ ճանապարհի մոտ, լրագրողների հետ զրույցում ասաց Բագրատ սրբազանը՝ հիշելով 44-օրյա պատերազմի ժամանակ Շուշուում ոստիկանների զոհվելու դրվագը:

Սրբազանը մանրամասնեց. «Իրենց մեղքով է եղել, իրենց հրամանատարության ներքո. անիմաստ տեղը տղաներին տարել են Շուշուի, առանց որեւէ պատճառի, պատերազմի սկզբի հատվածում հենց, հավանաբար այն պատկերը տալու համար, թե զորքը չի գործում»:

Ապա, ցույց տալով սեւ բերետավոր ոստիկաններին՝ սրբազանն ասաց. «Սեւագետներն «ուժեղ տղերք» են, իրենք մի 800 հազար աշխատավարձ են ստանում՝ այս մարդկանց՝ ցուցարարներին ծեծելու համար»:

ՑԱՎԱԿՑԱԿԱՆ ՀԱՅՏԱՐԱՐՈՒԹՅՈՒՆ

Իրանի նախագահ Ռահիսի եւ նրան ուղեկցող պատվիրակության նահատակությունից հետո Իսլամական խորհրդարանում կրոնական փոքրամասնությունների ներկայացուցիչները համատեղ հայտարարությամբ իրենց ցավակցությունն են հայտնել ժողովրդին եւ Իսլամական Յեղափոխության առաջնորդին:

Հայտարարության մեջ ասվում է. «Սենք՝ որպես Իրանի իսլամական խորհրդարանում կրոնական փոքրամասնությունների ներկայացուցիչներ, ԻԻՅ գերագույն առաջնորդին, զոհերի ընտանիքներին եւ Իրանի մեծ ժողովրդին ցավակցում ենք նախագահ այաթոլլահ Էբրահիմ Ռահիսի, ԱԳ նախարար Ամիր Աբդոլլահյանի, Թավրիզում ԻԻՅ առաջնորդի ներկայացուցիչ եւ ուրբաթօրյա աղոթապետ այաթոլլա սեյեդ Ալ Մոհամմադ ալ-Հաշեմի, Արեւելյան Ատրպատականի նահանգապետ Մալեք Ռահիմաթի, գեներալ սեյեդ Մահդի Մուսավիի եւ ուղղաթիռի անձնակազմի անդամների զոհվելու կապակցությամբ»:

Հայտարարությունը ստորագրել են Իսլամական խորհրդարանում Ապահանի եւ հարավային Իրանահայության պատգամավոր Ռոբերտ Բեգլարյանը, Թեհրանի եւ իլյումինային իրանահայության պատգամավոր Արա Ծահվերդյանը, Իրանի ասորի եւ քաղղեացի քրիստոնյաների պատգամավոր Շառլի Էնվիե Թեքեհե, Իրանի գրադաշտականների պատգամավոր Էսֆանդիար Էսթեթարին եւ Իրանի հրեաների պատգամավոր Հոմայուն Սամե Յահ Նաշաֆաբադին:

Հիշեցնենք, որ մայիսի 19-ին՝ Ադրբեջանի նախագահ Իլհամ Ալիևի հետ հանդիպումից հետո, Թեհրան վերադառնալիս վթարի էր ենթարկվել Իրանի Իսլամական Հանրապետության նախագահի ուղղաթիռը. զոհվել են նաեւ արտաքին գործերի նախարար Հոսեյն Ամիր-Աբդոլլահյանը, Արեւելյան Ադրբեջանի նահանգի ղեկավարը եւ այլ պաշտոնյաներ:

Իրանի Իսլամական հանրապետությունում 5-օրյա սուգ է հայտարարվել:

ՕՐՎԱ ԽՃԱՆԿԱՐ

ԿԻՐԱՆՑՈՒՄ ՄԱՐՄԱՆԱՓԱԿՎԵԼ Է ԱԶԱՏ ՏԵՂԱՇԱՐԺԸ

Արման Թաթոյանի գրառում է արել Կիրանցում տեղի ունեցող դեպքերի մասին՝ նշելով. «Ձեզ ո՞վ է իրավունք վերապահել քաղաքական որոշումներով ու առանց իրավական հիմքերի Կիրանցում իրականացնել գաղտնի «սահմանազատում», որ վերաբերում է մեր երկրի պետական սահմանի, մեզանից յուրաքանչյուրի անվտանգությանը»:

Կիրանցում ոստիկանները կամայական որոշումներով են սահմանափակել քաղաքացիների, գյուղերի բնակիչների ու մասնագիտական աշխատանք կատարող լրագրողների ազատ տեղաշարժը, առանց իրավական կանոնների ստեղծված են ոստիկանական ինչ-որ անցակետեր, եւ մարդկանց տեղաշարժը թույլ են տալիս սեփական հայեցողությամբ:

Առանց որեւէ բացատրության ու հիմքերի է տեղի ունենում պետական սահմանի, այսպես կոչված, «սահմանազատումը», որի կանոնակարգի նախագիծ անգամ գոյություն չունի:

Պետական սահմանին եւ սահմանային անվտանգության հարցերը վերաբերում են մեզանից յուրաքանչյուրին եւ առաջնահերթ՝ սահմանային բնակիչներին, նրանց կենսական իրավունքներին. ցանկացած սահմանափակում պահանջում է հանրային հաշվետվություն ու իրավական պատշաճ հիմնավորում:

Մինչդեռ, լրագրողների մասնագիտական աշխատանքը, մարդկանց ազատ տեղաշարժը խոչընդոտելով՝ թաքուն ու

անհաշվետու իրագործվում են անօրինական որոշումներ»:

ԵՐԿՈՒՄԸ ԴՐԱԿԱՆ ԵՆ ԳՆԱՀԱՏՈՒՄ

«Նոր ուժ» կուսակցության հիմնադիր եւ նախագահ Հայկ Մարությանը սոցցանցի վր էջում գրում է.

«Սիրելի ժողովուրդ, Մեր գնահատականը Հայաստանում ստեղծված ներքաղաքական ճգնաժամի վերաբերյալ հնչեցրել ենք դեռեւս մայիսի 1-ին՝ «Նոր ուժ» ռեֆորմիստական կուսակցության հիմնադիր համագումարին: Այդ գնահատականը հետեւյալն է.

2021-ի ընտրություններով ձեւավորված կառավարության խոսույթը մի քանի անգամ էական փոփոխությունների է ենթարկվել մեր երկրի առաջ ծառայած ամենակենսական խնդրի՝ Ադրբեջանի հետ հարաբերությունների հարցում: Այսօր Արցախի ժողովրդի ինքնորոշման իրավունքը որպես «կարմիր գիծ» ճանաչելուց, մինչեւ Արցախի խաղաղ ուրացում, սկսած Եվրախնտեզրագիայի խոստումներից, մինչեւ Աստանա եւ «ռեգիոնալիզացիա»: Հետեւաբար, նրանց հռչակած որեւէ սկզբունք ու «կարմիր գիծ» այսօր ոչ մի հավատ չի ներշնչում: Իշխանություն, որն այս տարիների ընթացքում հազար ու մի սահման է խախտել, հազար ու մի խոստումից հետո կանգնել, այդ իշխանությունն այլեւս կորցրել է Հայաստանի ճակատագրին վերաբերող հարցերով զբաղվելու լեգիտիմ իրավունքը:

2021-ի ընտրության ժամանակ ՔՊ-ին տված քվեն այլեւս առ ոչինչ է:

Գործող իշխանությունը չունի բավարար կոմպետենտություն, գիտելիքներ եւ կարողություններ՝ այս կարեւորագույն հանգրվանում Հայաստանն առաջնորդելու համար: Նիկոլ Փաշինյանն ու նրա թիմը այլեւ անելիք չունեն, նրանք պետք է հեռանան:

Անրադառնալով նաեւ Բագրատ արքեպիսկոպոս Գալստայանի՝ իր հետ հանդիպելու հրավերին: Նախ, շնորհակալ եմ Սրբազանին հրավերի համար եւ սիրով պատրաստ եմ հարմար առիթի դեպքում հանդիպելու Հայ Առաքելական Սուրբ Եկեղեցու թեմակալ առաջնորդի եւ սիրված հոգեւորականներից մեկի հետ՝ իմ հարգանք հավաստիքը նրան անձամբ փոխանցելու եւ, ինչու ոչ, զրուցելու «չարի ու բարու, ստի եւ ճշմարտության» (ինչպես Սրբազանն է ասում) կամ «սեւ ու սպիտակ ուժերի» (ինչպես ես եմ ասում) մշտարդիական պայքարի մասին:

Ինչ վերաբերում է Սրբազանի գլխավորած քաղաքական պայքարին, ապա թեեւ խոր գաղափարական անհամաձայնություն ունենք շարժման կողքին կանգնած հիմնական քաղաքական ուժերի ու հարթակից հնչած մի շարք թեզերի հետ, այդուհանդերձ, դրական ենք գնահատում յուրաքանչյուր դեմոկրատական խաղաղ պրոցես: Փաստ է, որ մայիսի 9-ին կայացած հանրահավաքը ամենաբազմամարդն էր 2018-ի ժողովրդական շարժումից հետո եւ մեկ անգամ եւս ապացուցեց, որ Փաշինյանի իշխանությունը կորցրել է հանրության վստահությունը:

Միեւնույն ժամանակ համոզված ենք, որ նոր իշխանությունը Հայաստանում պետք է ձեւավորի միայն ժողովուրդը՝ ազատ, հավասար, համընդհանուր արտահերթ ընտրությունների արդյունքում»:

ԲԱՅԱՐԱՅՑՈՒՄ

ԹՄՐԱՄԻՔՈՑԻ ՏԵՂԱՓՈԽՄԱՆ ԳԵՊՔԵՐ

Բացահայտվել է թմրամիջոցների աղօրհնի սեղափոխման մի քանի փոխկադրակցված դեմք:

Պետական եկամուտների կոմիտեի մաքսանենգության դեմ պայքարի վարչությունը, շարունակելով պայքարը թմրամիջոցների եւ հոգեմետ նյութերի՝ Չայաստանի Հանրապետության սահմանով անօրինական տեղափոխման ուղղությամբ, օրերս բացահայտել է թմրամիջոցների ապօրինի շրջանառության փոխկապակցված մի քանի դեմք:

ՊԵԿ մաքսանենգության դեմ պայքարի վարչության, ինչպես նաեւ ՊԵԿ արտաքին տնտեսական գործունեության մաքսային սպասարկման եւ հսկողության վարչության, ԱԱԾ տնտեսական անվտանգության եւ կոռուպցիայի հակազդման գլխավոր վարչության աշխատակիցները համատեղ, «Ապավեն Տերմինալ» ընկերության մաքսային հսկողության գոտում մաքսային զննման են ենթարկել ԱՄՆ-ից՝ «Տրանս Ըփփինգ» ընկերության միջոցով ՀՀ ներմուծված միջազգային սուրհանդակային առաքանին:

Բացի անձնական օգտագործման առարկաներից հայտնաբերվել են 23 գրամ եւ 507 գրամ ընդհանուր քաշով 2 փաթեթներ՝ մարիխուանա տեսակի թմրամիջոցի զանգվածների պարունակությամբ եւ հաշիշի յուղ՝ 24 գրամ քաշով:

Զերբակալվել եւ մաքսանենգության դեմ պայքարի վարչություն է տեղափոխվել ՀՀ 3 քաղաքացի: Նրանք ենթարկվել են ձերբակալմանն ուղեկցող անձնական խուզարկության, որից հետո տեղափոխվել են ՀՀ քննչական կոմիտեի տնտեսական հանցագործությունների եւ մաքսանենգությունների քննության գլխավոր վարչություն: Հարուցված քրեական վարույթի շրջանակներում քաղաքացիները ձերբակալվել են:

Տվյալ առաքանին ՀՀ ուղարկող անձի տվյալները պարզվել են: Ճշտվել է նաեւ, որ նշված թմրամիջոցները պետք է իրացվեին տեղեկաման ալիքի միջոցով:

Դատարանի որոշմամբ՝ ձերբակալվածներից մեկի՝ Ն. Ա.-ի բնակության վայրում կատարված խուզարկության ժամանակ, վերջինս ներկայացրել է 1 կիլոգրամ մարիխուանա տեսակի թմրամիջոց, ինչպես նաեւ կոկաին տեսակի թմրամիջոցի պարունակությամբ ինքնակաշուն ժապավեն:



Երկու փաթեթով 38 փաթեթ՝ ընդհանուր 66 գրամ քաշով:



Ջիլի առաքանին: Հայտնաբերվել է մարիխուանա տեսակի թմրամիջոցի պարունակությամբ 2 փաթեթ, յուրաքանչյուրը՝ 530 գրամ քաշով:

Օպերատիվ հետախուզական միջոցառումների ընթացքում տեղեկություններ են նաեւ ստացվել, որ ՀՀ են ներմուծվելու նույն անձի անունից ուղարկված թմրամիջոցով առկա եւս երկու առաքանի:

Նշված տեղեկություններն իրացնելիս ՊԵԿ եւ ԱԱԾ աշխատակիցները «Ապավեն Տերմինալ» ընկերության մաքսային հսկողության գոտում մաքսային զննման են ենթարկել ԱՄՆ-ից ՀՀ ներմուծված սուրհանդակային առաքանիները:

2 ծանրացում էլ բացի անձնական օգտագործման առարկաներից հայտնաբերվել են 1035 եւ 492 գրամ քաշով մարիխուանա տեսակի թմրամիջոցի պարունակությամբ փաթեթներ:

Մաքսանենգության այս դեպքով Երեւանի թաղամասերից մեկում մարիխուանա տեսակի թմրամիջոցի փոխարեն նմանատիպ այլ զանգվածների պարունակությամբ առաքանին ստանալուց հետո ձերբակալվել է ՊԵԿ մաքսանենգության դեմ պայքարի վարչության եւ ԱԱԾ տնտեսական անվտանգության եւ կոռուպցիայի հակազդման գլխավոր վարչության աշխատակիցների կողմից ձեռնարկված միջոցառումների արդյունքում շրջանառությունից դուրս է բերվել ավելի քան 4 կգ մարիխուանա, 24 գրամ հաշիշի յուղ եւ 66 գրամ կոկաին տեսակների թմրամիջոցներ:

Փաստի առթիվ քննչական կոմիտեում ՀՀ քրեական օրենսգրքի 399-րդ հոդվածի հանցագործության հատկանիշներով հարուցվել է քրեական գործ, կատարվում է նախաքննություն:

ՔՆՍՐ ՄԱՆՈՒԿՅԱՆ

ԱՂՄԿԱՅԱՐՈՒՅՑ ԴԵՊՔ

ՄՊԱՆՈՒԹՅՈՒՆ՝ ԵԿԵՂԵՑՈՒ ԲԱԿՈՒՄ

ArmLur.am լրատվականին հայտնի դարձավ, որ Հրազդանում եկեղեցու բակում, հոգեհանգստի ժամանակ տեղի ունեցած աղմկահարույց կրակոցների գործով երկու անձ է ձերբակալվել:

Հիշեցնենք՝ «Ժողովուրդ» օրաթերթին հասած տեղեկությունների համաձայն՝ Հրազդանում հոգեհանգստի սրահի բակում տեղի ունեցած աղմկահարույց սպանությունը խոր արմատներ ունի: Բանն այն է, որ հեղինակություն համարվող «Դերոյի Արսեն» անունով առավել հայտնի Արսեն Հունանյանը ներքին կռիվների մեջ է եղել Կոտայքի մարզի բնակիչ Արծրուն Ավետյանի հետ: Անգամ խոսակցություն է գնացել, թե ով ում է սպանելու եւ ում ձեռքով: Եվ ահա, տարիներ շարունակ ներքին թշնամանքը իր ճակատագրական ավարտին է հասել մայիսի 18-ին: Արծրուն Ավետյանը զենքով մտել է Հրազդանի եկեղեցու բակ, որտեղ հեղինակություն համարվող «Դերոյի Արսենը» մասնակցելիս է եղել հոգեհանգստի, ու կրակոցներ է արձակել նրա վրա: Հոգեհանգստի վայրում սկսվել է իրարանցում ու հեղինակություն «Դերոյի Արսենին» տեղափոխել են հիվանդանոց, որտեղ էլ նա մահացել է:

Սակայն, այս պահով ամեն ինչ չի ավարտվել: Սպանված «Դերոյի Արսենի» մտերիմ ընկերը նկատել է, որ կրակոցներ արձակող անձը դեպքից հետո նստել է Opel մակնիշի մեքենան ու հեռացել: Վերջինս հետապնդել է նրան ու Չարենցավանի ճանապարհին, մոտ 6 կրակոց է արձակել, ինչից հետեւանքով սպանվել է Արծրուն Ավետյանը:

Ի դեպ, այս դեպքից առաջ իրավապահները սպանության գործով անցնող անձանց զենքի կասկածանքով բաժին են տարել ու ստուգումներ են իրականացրել ու ահա ստուգումներից հետո հնչում են կրակոցներ:

Ավելի վաղ Shamsyan.com-ը գրել էր, որ մայիսի 18-ին, կրակոցներ եւ սպանություններ էին տեղի ունեցել Կոտայքի մարզում: Ժամը 19:10-ի սահմաններում ՀՀ Ներքին գործերի նախարարության ոստիկանության քրեական ոստիկանության գլխավոր վարչությունում եւ ՀՀ ՆԳՆ ոստիկանության Կոտայքի մարզային վարչությունում օպերատիվ տեղեկություններ են ստացվել, որ Հրազդան քաղաքի Վանատուր թաղամասի եկեղեցու հարեանությամբ գտնվող տարածքում կրակոցներ են հնչել եւ կան զոհեր ու վիրավոր:

Ոստիկաններն ու քննիչները պարզել են, որ մահացածներն են Կոտայքի մարզի բնակիչ 50-ամյա Արծրունի Ավետյանը, ով տեղում է մահացել, իսկ հիվանդանոցում մահացել է Կոտայքի մարզի բնակիչ 49-ամյա Արսեն Հունանյանը, ով հայտնի է «Դերոյի Արսեն» մականվամբ, իսկ վիրավորը Կոտայքի մարզի բնակիչ 21-ամյա Արտյոմ Հայրապետյանն է, ով տեղափոխվել է «Հրազդան» բժշկական կենտրոն:

Ք. ՄԱՆՈՒԿՅԱՆ

ՄԱՆՈՒՄԱՆԵՐ

ԲԿ-Ն՝ ՉԱՄՈՅԱՆԻ ՉԵՐԲԱԿԱԼՈՒԹՅԱՆ ՄԱՍԻՆ

Քննչական կոմիտեն «Ժողովուրդ» օրաթերթին նոր մանրամասներ է հայցնում բլոգեր Արթուր Չախյանի ձերբակալման հետ կապված:

«2024թ. մայիսի 18-ին տարբեր քաղաքացիներից հաղորդումներ են ստացվել այն մասին, որ նույն օրը մի խումբ անձինք՝ Ա.Զ.-ի գլխավորությամբ, մուտք են գործել Երեւան քաղաքի Կողբացի փողոցում գտնվող Հայաստանի խաղերի սպորտի եւ մշակույթի պալատ եւ Հայաստանի պետականակենտրոն կուսակցության կայանակիք նիստը խաթարելու նպատակով վիճաբանել կուսակցության անդամների հետ: Դեպքի վայր են մեկնել ոստիկաններ, որտեղ պարզվել է, որ կոպիտ կերպով խախտելով հասարակական կարգը, բացահայտ անհարգալից վերաբերմունք դրսեւորելով, վերոնշյալ միջադեպի մասնակիցների կողմից միմյանց հասցեին հնչել են հայիոյանքներ, ինչից հետո ծեծկոտոր է սկսվել, որի ընթացքում մասնակիցները հարվածներ են հասցրել միմյանց:

Դեպքի առթիվ ՀՀ քննչական կոմիտեի ԵԶԶԿ Կենտրոնն եւ Նորք-Մարաշ վարչական շրջանների քննչական երկրորդ բաժնում նախաձեռնվել է քրեական վարույթ՝ ՀՀ քրեական օրենսգրքի 195-րդ հոդվածի 2-րդ մասի 5-րդ կետով եւ 297-րդ հոդվածի 2-րդ մասի 1-ին կետով:

Կայացել է նշված անձանց ձերբակալելու որոշում: Ձեռնարկվում են միջոցներ՝ դեպքի հանգամանքները, միջադեպին մասնակիցների շրջանակը պարզելու, նրանց գործողություններին իրավական գնահատական տալու ուղղությամբ:

ՆԳՆ ոստիկանության համապատասխան ստորաբաժանմանը տրվել են հանձնարարություններ»:

Ք. ՄԱՆՈՒԿՅԱՆ

● Ըստ ոստիկանության տվյալների՝ մայիսի 17-ից 20-ը ՀՀ ՆԳՆ ոստիկանության ստորաբաժանումների կողմից բացահայտվել է հանցագործության 200 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ՀԱՅԱՍՏԱՆԻ ՎԱՏ ՎԻՃԱԿՆ ՈՒ ԻՐԵՆՑ ԽԱՂԵՐԸ

Վարչապետ Նիկոլ Փաշինյանը Տավուշի մարզում Դիլիջանի Պարզ լճի տարածքում, ներկա է գտնվել «ՀՀ վարչապետի գավաթ» դպրոցականների թիմային խճուղավագրի մրցաշարի եզրափակիչ փուլին: Մրցաշարին ներկա է եղել նաև Տավուշի մարզպետ Հայկ Ղալումյանը: Տավուշի մարզպետարանի ֆեյսբուքյան էջը մոռացել է գրել, որ ներկա է եղել նաև Դիլիջանի ԶՊ-ական համայնքապետ Դավիթ Սարգսյանը, որ հրապարակված լուսանկարում պատկերված է եղել Նիկոլ Փաշինյանի եւ Հայկ Ղալումյանի կողքին:

Հայաստանի բարդ վիճակը, Տավուշի՝ սահմանագոտում Ադրբեյջանին հանձնվող տարածքներն ու իրենց խաղերը:

ՈՒՂԵՐԶ՝ ԸՆՏԱՆԻՔԻ ՕՐՎԱ ԱՌԹԻՎ

Նիկոլ Փաշինյանի դասընկեր, նրա հարսանիքի քավոր, Նիկոլ Փաշինյանի որոշմամբ՝ 2021թ. ապրիլի 8-ին Տավուշի մարզպետ նշանակված Հայկ Ղալումյանը շնորհավորական ուղերձ է հղել ընտանիքի միջազգային օրվա առթիվ: Նա ուղերձում նշել է, որ մայիսի 15-ը նշվում է որպես ընտանիքի միջազգային օր, այն 1993 թվականին սահմանել է ՄԱԿ-ի Գլխավոր ասամբլեան: Դրա նպատակը հանրության ուշադրության գրավումն է ընտանիքի բազմաթիվ խնդիրների նկատմամբ: 2011 թվականի փետրվարի 9-ին ՀՀ Ազգային ժողովն ընդունել է «ՀՀ տոների եւ հիշատակի օրերի մասին» ՀՀ օրենքում լրացում կատարելու մասին» օրենքը, որով մայիսի 15-ը հայկական տոնացույցում ամրագրվել է որպես Ընտանիքի օր: Մարզպետն ուղերձում նշել է, որ ընտանիքն առողջ եւ համերաշխ հասարակության հիմքն է, հասարակության հիմնական ինստիտուտներից մեկը. ընտանիքը հայ մարդու համար սրբություն է, ամուր ընտանիքը պետության զարգացման, ժողովրդի բարգավաճման կարեւոր գրավական է: Հայկ Ղալումյանը մաղթել է խաղաղություն, առողջություն ընտանեկան ջերմություն ու երջանկություն: Այդ ուղերձը հրապարակված է Տավուշի մարզպետարանի ինտերնետային կայքում եւ մարզպետարանի ֆեյսբուքյան էջում: Հրապարակված ուղերձի տակ լրագրող Նարինե Կիրակոսյանը հետեւյալ մեկնաբանությունն է գրել. «Լուրջ այդպիսի տոն կա՞, թե՛ մարդկանց զբաղեցնելու համար մոգոնեցիք: Հա, մեկ է՝ Նիկոլն ու դուք դատվելու եք (խմբ.):» Կիրակոսի ընտանիքներին պատկանող տները, շինությունները, տարածքները Ադրբեյջանին հանձնող, ադրբեյջանական սահմանապահ հեճակետից 50 մետր հեռավորությամբ Կիրանցում դպրոց գործարկող, այդ կերպ Կիրանցի աշակերտներին ու նրանց ընտանիքներին սթրեսի մատնող մարզպետը չի գլացել, ընտանիքի միջազգային օրվա առթիվ գեղեցիկ բառերով, սիրուն մաղթանքներով շնորհավորանք է հղել:

ՈՍՎԻՆ ՄԱՐԶԱՅԱՆ Տավուշ

Ո՞Վ ԷՐ ԻՒՅ ՆԱԽԱԳԱՐՑ

ԱԶԳԵՑՈՒԹՅՈՒՆԸ՝ ՄԻՋԱԶԳԱՅԻՆ ԹԱՏԵՐԱԲԵՄՈՒՄ

Էբրահիմ Ռաիսուադաթին, ով ֆաղաֆական Երանցիում հայտնի էր որդես Էբրահիմ Ռաիսի, եւ 2021 թվականից մինչեւ իր մահը՝ 2024 թվականի մայիսի 19-ը, Իրանի Իսլամական Հանրադեմոկրատիայի նախագահն էր, սկզբունֆային մուսուլման իրավաբան էր:



Մինչ նախագահի պաշտոնն զբաղեցնելը՝ Ռաիսին տարբեր պաշտոններ է զբաղեցրել դատական համակարգում՝ եղել է Թեհրանի դատախազի տեղակալ, ապա դատախազ՝ 1980-1990-ական թվականներին: Հայտնի էր «Թեհրանի դահիճ» կեղծանվամբ, քանի որ հանդիսանում էր «Մահվան կոմիտե» անվամբ հայտնի խմբի անդամ, որը պատասխանատու էր 1988 թվականին հազարավոր քաղաքատարկյալներին մահապատժի ենթարկելու համար:

Եղել է արդարադատության նախարարի տեղակալ, ապա նախարար:

Առաջին անգամ նախագահական ընտրությունների համար առաջադրվել է 2017 թվականին՝ պարտվելով գործող նախագահ Հասան Ռոհանիին՝ 57/38.3 տոկոս հարաբերակցությամբ: 2021 թվականին առաջադրվելով երկրորդ անգամ դարձել է Իրանի Իսլամական Հանրապետության նախագահ՝ հավաքելով ընտրողների ձայների 62.9 տոկոսը:

Ռաիսի նախագահության շրջանում փակուղի են մտել ԱՄՆ-ի հետ «Գործողությունների համատեղ համապարփակ ծրագիրը», Իրանը սկսել է Ուրանի հարստացման գործընթաց եւ Գազա-Խրայթլական հակամարտությունում աջակցություն ցուցաբերել Գազային: Երկրի ներսում, սակայն, ամեն բան չէ, որ խաղաղ է եղել. երկրում բազմահազարանոց ցույցեր են տեղի ունեցել՝ իրավունքների ազատականացման մի շարք պահանջներով, ինչը սկսվել է ոստիկանների կողմից բռնի ուժի կիրառումից հետո երիտասարդ Մահսա Ամինիի մահով:

Հատկանշական է այն, թե ինչ ազդեցություն ուներ նախագահ Ռաիսին միջազգային քաղաքական թատերաբեմում, եւ ինչպիսի վախ էր առաջացնում նրա վարած քաղաքականությունը: Այս

համատեքստում պետք է մատնանշել, որ նրա նկատմամբ պատժամիջոցներ են սահմանված եղել ԱՄՆ Օտարերկրյա ակտիվների վերահսկման գրասենյակի կողմից՝ համաձայն 13876 Գործադիր հրամանի, ինչպես նաև մեղադրվել է մարդկության դեմ հանցագործությունների համար՝ միջազգային իրավապաշտպան կազմակերպությունների եւ ՄԱԿ-ի հատուկ զեկուցողների կողմից:

Ռաիսին Իմամ Ռեզայի սրբավայրի մեծ իմամ Ահմադ Ալամոլիհոդայի փեսան էր:

Հասկանալու համար, թե ինչ գործընթացներ են սկսվելու Իրանի Իսլամական Հանրապետության նախագահի մահից հետո, պետք է հասկանալ օրենսդրական կարգավորումները:

Իրանի Իսլամական Հանրապետության Սահմանադրության 131-րդ հոդվածի համաձայն՝ նախագահի մահվան, պաշտոնանկության, հրաժարականի, երկու ամսից ավելի բացակայության, հիվանդության կամ նախագահության ժամկետն ավարտվելու եւ խոչընդոտների

առկայության դեպքում, նախագահի լիազորությունները ստանձնում է առաջին փոխնախագահը:

Այնուհետեւ, խորհրդարանի նախագահի, դատական իշխանության ղեկավարի եւ առաջին փոխնախագահի մասնակցությամբ ձեւավորված խորհուրդը կազմակերպում է արտահերթ նախագահական ընտրություններ, որոնք պետք է անցկացվեն առավելագույնը հիսուն օրվա ընթացքում:

Հիշեցնենք, որ կիրակի օրը՝ մայիսի 19-ին, նախագահ Ռաիսի ուղղաթիռը, որը Թեհրան էր վերադառնում Ադրբեյջանի նախագահի հետ հանդիպումից, կործանվել էր Արեւելյան Ադրբեյջանի սահմանի վարձաքան քաղաքում: Վթարի հետեւանքով նախագահից զատ զոհվել են ԻԻՀ արտաքին գործերի նախարար Հոսեյն Ամիր Աբդոլլահյանը, Արեւելյան Ադրբեյջանի սահմանի ղեկավար Մալեք Ռահմաթին եւ Սոհամմադ Ալի ալ Հաշեմի:

ՀՈՒՐԻ ԲՎՂԴԱՍՍՈՒՅԱՆ

ԼՈՒՐԵՐ

Ո՞Վ ԷՐ ԻՐԱՆԻ ԱԳ ՆԱԽԱՐԱՐԸ

Հոսեյն Ամիր-Աբդոլլահյան. իրանցի քաղաքական գործիչ, դիվանագետ, ով 2021 թվականի նախագահական ընտրություններից մինչեւ մայիսի 19-ը երկրի դիվանագիտական գերատեսչության ղեկավարն էր:

2011-ից 2016 թվականներին Աբդոլլահյանը եղել է արաբական եւ աֆրիկյան երկրների հարցերով փոխարտգործնախարար, Իրանի խորհրդարանի խոսնակի միջազգային հարցերով հատուկ օգնական, Իսլամական խորհրդատվական ժողովի միջազգային հարցերով գլխավոր տնօրեն, Պաղեստինի Ինթիֆադային աջակցության միջազգային խորհրդաժողովի մշտական քարտուղարության գլխավոր քարտուղար, ԱԳՆ միջազգային հարաբերությունների դպրոցի պրոֆեսոր:

Սոհամմադ Խաթամիի նախագահության օրոք միջուկային բանակցությունների ընթացքում Հոսեյն Ամիր-Աբդոլլահյանը եղել է միջուկային բանակցությունների

քաղաքական եւ անվտանգության հանձնաժողովի անդամ: Նա առաջին իրանցի պաշտոնյան էր, ով հրավիրվել է Լոնդոն՝ Թեհրանում Մեծ Բրիտանիայի դեսպանատան վերաբացումից հետո տարածաշրջանային բանակցությունների մասնակցելու:

2007 թվականին Բաղդադում Իրան-Իրաք-ԱՄՆ եռակողմ հանդիպման ժամանակ ղեկավարել է իրանական բանակցալիսին թիմը:

Հ. ԲՎՂԴԱՍՍՈՒՅԱՆ

ԺԵՏՈՆՆԵՐԸ ԳԵՌԱԿՏՈՒԱԼ ԿԼԻՆԵՆ

Երեւանի մետրոպոլիտենի տոմսեր չեն լինի ժետոններով, կգործի QR կոդերով եւ այլ համակարգերով վճարելու տարբերակը: Այս մասին, երեկ՝ մայիսի 20-ին, Երեւանի քաղաքապետարանի գործակարգավարական խորհրդակցության ժամանակ սասց Երեւանի քաղաքապետի տեղակալ Սուրեն Գրիգորյանը:

«Ժողովուրդ» օրաթերթը կապ հաստատեց Մետրոպոլիտենի մամուլի խոսնակ Տաթև Խաչատրյանի հետ՝ հասկանալու համար՝ ինչպես են օգտվելու մեծահասակները, եթե չունեն հնարավորություն հեռախոսից կամ բանկային քարտից վճարելու. «Տարեցների համար լինելու են զանազանները, իրենք մնալու են, կարող են մոտենալ իրենց 100 դրամը վճարել եւ զանազանից իրենց փոխանցի 1 QR կոդ՝ մեկանգամյա օգտագործման համար նախատեսված, եւ վաճառվելու են նաև քարտեր, որոնք ժամկետով են լինելու. այսինքն՝ հստակ օրով եւ ամսաթվով»:

Նրա խոսքով՝ ժետոնները դեռ որոշ ժամանակ ակտուալ կլինեն:

Այս պահին Երեւանի մետրոպոլիտենի երեք կայարաններում՝ Բարեկամություն, Մարշալ Բաղրամյան եւ Երտասարդական տեղադրվել եւ փորձարկվում է անցակետերի նոր անցարգելները, որոնք բացվում են «Թել Սել Wallet»-ի QR կոդի միջոցով:

ԷՄՍԱ ՄԱՐՏԻՌՈՍՅԱՆ

● Անցած 3 օրվա ընթացքում հանրապետությունում արձանագրվել է ճանապարհատրանսպորտային 31 պատահար. 1 մարդ զոհվել է, 38-ը՝ ստացել տարբեր աստիճանի մարմնական վնասվածքներ:

ՐԱՅՏԱՐԱՐՈՒԹՅՈՒՆՆԵՐ

ՀՐԱՊԱՐԱԿԱՅԻՆ ԾԱՆՈՒՑՈՒՄ
«ԲԻՆԻՅ» ՍՊԸ-ն (այսուհետ՝ Կազմակերպիչ) «ԵՐԵՎԱՆԻ ԱՊՐԱՆՔԱՅԻՆ ԲՈՐՍԱ» ՍՊԸ-ի հարթակում իրականացնելու է բաց աճուրդ համապատասխան փուլերով՝ «դասական» (գնի բարձրացմամբ), այսուհետեւ՝ «հղակողական» (գնի նվազեցմամբ) եղանակներով: Աճուրդի ընթացքում վաճառվելու է «Արդշինբանկ» ՓԲԸ-ին (այսուհետ՝ բանկ) գրավի իրավունքով պատկանող հետեւյալ լոտը:

- ք. Երեւան, Արաբկիր, Ն. Ջաղյան փողոց, 15ա շենք, 36 հասցեում գտնվող 69.4 ք.մ. մակերեսով բնակարան: Լոտի մեկնարկային գինը՝ 49350000 ՀՀ դրամ:

Լոտի նկատմամբ սահմանափակումները՝ գույքը գրավարված է:

Աճուրդի փուլերը՝ ք. Երեւան, Սայաթ-Նովա պողոտա, 40 շենք, թիվ 82/31 հասցեում 06.06.2024թ.-ին, ժ. 12:00-ին դասական եղանակով, այսուհետեւ՝ յուրաքանչյուր աշխատանքային օր, նույն վայրում, նույն ժամին՝ հղակողական եղանակով: Աճուրդի ավարտը՝ 08.07.2024թ.-ին: Աճուրդի մասնակցության նախավճարը սահմանված է համապատասխան գույքի ընթացիկ մեկնարկային գնի 1%-ի չափով, որի վճարման վերջնաժամկետը սահմանված է յուրաքանչյուր աճուրդի փուլի օրվան նախորդող աշխատանքային օրվա ժամը 16:00-ն: Նախավճարը վճարվում է «ԲԻՆԻՅ» ՍՊԸ-ի դրամարկղում/աճուրդի կայքէջում հասցեում, ՀՀ օրենսդրությամբ սահմանված կանխիկի շեմը չգերազանցելու դեպքում, կամ բանկային հաշվին («Արդշինբանկ» ՓԲԸ-ում՝ 2470103374150000 հաշվառմամբ) կամ կազմակերպչի կողմից տրված այլ հաշվառմամբ: Աճուրդի մասնակցելու համար անհրաժեշտ է ներկայացնել՝ ֆիզիկական անձանց համար անձը հաստատող փաստաթուղթ է Կազմակերպչի կողմից տրված մասնակցի վկայական (այսուհետ՝ աճուրդի վկայական), որը հաստատելու է նաեւ նախավճարի մուծման փաստը, իսկ իրավաբանական անձանց համար՝ կանոնադրությունը, իրավաբանական անձանց պետական գրանցման վկայականը, պաշտոնատար անձի կամ ներկայացուցչի լիազորությունները հաստատող փաստաթուղթ է աճուրդի վկայական:

Աճուրդում հաղթող է ճանաչվում այն անձը, ով առաջարկել է ամենաբարձր գինը: Վերջին ամենաբարձր գնային հայտ ներկայացրած մասնակցից, աճուրդավարի մուրճիկի երրորդ հարվածից հետո, համարվում է աճուրդում հաղթած մասնակից: Աճուրդին մասնակցած, սակայն չհաղթած անձի մուծած նախավճարը վերադարձվում է աճուրդի ավարտվելուց հետո մեկ աշխատանքային օրվա ընթացքում: Նախավճարը ենթակա է վերադարձման, եթե աճուրդը համարվում է չկայացած: Եթե աճուրդում հաղթող ճանաչված անձը իրաժարվում է ստորագրել արձանագրություն կամ առուվաճառքի պայմանագիրը, ապա նա կորցնում է իր մուծած նախավճարը: Եթե Կազմակերպիչը իրաժարվում է ստորագրել արձանագրությունը, ապա նա պարտավոր է աճուրդում հաղթող ճանաչված անձին վերադարձնել նախավճարը:

Նախքան աճուրդի ավարտն աճուրդային լոտի նկատմամբ բանկի գրավի կամ սեփականության իրավունքի դադարման հետեւանքով աճուրդի մասնակիցների կորուստների եւ վնասների համար բանկը որեւէ պատասխանատվություն չի կրում:

Լոտն ուսումնասիրելու ցանկություն հայտնած անձինք կարող են սույն ծանուցման օրվան հաջորդող օրվանից մինչեւ աճուրդի ավարտի նախորդող օրը, յուրաքանչյուր աշխատանքային օր, ժ. 10:00-ից մինչեւ 18:00-ն, այցելել վերը նշված հասցեով եւ ծանոթանալ լոտի հետ՝ այցելությունը նախապէս համաձայնեցնելով Կազմակերպչի եւ Բորսայի հետ: Հարկային գործակալ հանդիսանալու դեպքում աճուրդում հաղթած մասնակցի կողմից լոտի գնի վճարելու կարգը սահմանվում է վաճառողի հետ՝ փոխհամաձայնեցված ժամկետներում: Սույն ծանուցումը կարող է փոփոխվել մասնավոր հրապարակվելու միջոցով: Աճուրդների անցկացման կանոնակարգին կարող եք ծանոթանալ եւ անվճար ստանալ կանոնակարգի պատճենը, դիմելով Կազմակերպչին՝ ք. Երեւան, Սայաթ-Նովա պողոտա, 40 շենք, թիվ 82/31 հասցե: Բոլոր այլ տեղեկությունների համար կարող եք զանգահարել (011) 56-45-13 հեռախոսահամարով կամ այցելել www.llcbst.am, www.borsa.am կայքերը:

ՐԱՅՏԱՐԱՐՈՒԹՅՈՒՆ

Եւ Գոհար Ժորայի Հովհաննիսյանս, Երեւանի Կենտրոն համայնքի տարածքում մոտավորապէս մեկ շաբաթ առաջ կորցրել են դիպլոմ՝ տրված Երեւանի պետական համալսարանի կողմից 2002թ.-ին: Դիպլոմիս համարն է AB 004792: Գտնողին խնդրում են զանգահարել 077 570 642 հեռախոսահամարով:

ԾՐԱԳԻՐ

«ՋԱՆԱԳԵՂՈՐ»-Ը 4Future Banking ՄԻՋԱԶԳԱՅԻՆ ՂԱՄԱԺՈՂՈՎԻՆ

4Future Banking միջազգային համաժողովը Հայաստանում էր համախմբել աշխարհի առաջատար բանկերի Եւրո 150 փորձագետների, որոնք կհավեցնին իրենց փորձով ու գիտելիքներով՝ մշակելու գաղափարները:



Միջոցառման ընթացքում Team Solutions ընկերությունը ներկայացրեց կոնսուլտային կենտրոններին ամբողջական լուծում տրամադրող Zangezor պրոդուկտը:

Ծանոթացնելով ընկերության գործունեության ուղղություններին՝ Team Solutions ընկերության տնօրեն Տարեհիկ Ավագյանը նշեց, որ իրենք մասնագիտացված են պետական կառավարման էլեկտրոնային համակարգերի եւ մասնավոր ոլորտին ուղղված ծրագրային լուծումների մշակման մեջ:

Ի թիվս բազմաթիվ իրականացրած եւ ընթացիկ նախագծերի՝ ընկերությունը մշակում է նաեւ սեփական պրոդուկտները, որոնց շարքում յուրահատուկ տեղ է զբաղեցնում «Ջանագեղորը»: Վերջինս զանգերի, էլեկտրոնային նամակների, կարճ հաղորդագրությունների եւ շուտով նաեւ սոցիալական հարթակներից ստացված հաղորդագրությունների մշակման ու սպասարկման միասնական համակարգ է, որը դյուրինացնում է ծառայություն մատուցող կազմակերպությունների սպասարկման գործընթացը՝ հաճախորդներին հնարավորինս արագ եւ համապարփակ արձագանք տալով:



«Համակարգի ճկունությունը հնարավորություն է տալիս «Ջանագեղորը» հարմարեցնել ցանկացած ոլորտի ընկերության բիզնես գործընթացներին, ինչպես նաեւ ինտեգրել ընկերության ներքին համակարգերի հետ՝ էականորեն բարձրացնելով հաճախորդների սպասարկման արդյունավետությունը»:

«Վաճառվող ամեն ինչը օրերում տեխնոլոգիական ոլորտի աննախադեպ զարգացումները, բնականաբար մենք եւս փորձում ենք ժամանակին համահունչ զարգացնել պրոդուկտը եւ մեր հաճախորդների համար ապահովել նորարարական լուծումներ: Առաջիկայում ցանկանում ենք դուրս գալ նաեւ միջազգային շուկա»:

«Համակարգի ճկունությունը հնարավորություն է տալիս «Ջանագեղորը» հարմարեցնել ցանկացած ոլորտի ընկերության բիզնես գործընթացներին, ինչպես նաեւ ինտեգրել ընկերության ներքին համակարգերի հետ՝ էականորեն բարձրացնելով հաճախորդների սպասարկման արդյունավետությունը»:

«Համակարգի ճկունությունը հնարավորություն է տալիս «Ջանագեղորը» հարմարեցնել ցանկացած ոլորտի ընկերության բիզնես գործընթացներին, ինչպես նաեւ ինտեգրել ընկերության ներքին համակարգերի հետ՝ էականորեն բարձրացնելով հաճախորդների սպասարկման արդյունավետությունը»:

«Վաճառվող ամեն ինչը օրերում տեխնոլոգիական ոլորտի աննախադեպ զարգացումները, բնականաբար մենք եւս փորձում ենք ժամանակին համահունչ զարգացնել պրոդուկտը եւ մեր հաճախորդների համար ապահովել նորարարական լուծումներ: Առաջիկայում ցանկանում ենք դուրս գալ նաեւ միջազգային շուկա»:

«ՅՈՒՆԻԲԱՆԿ»

ԱՃՈՒՐԴ՝ ՀՈՒՆՆԵՐԱԿԱՆ ԵՂԱՆԱԿՈՎ

2024թ.-ի հունիսի 3-ին ժամը 11:00-ին, կազմակերպիչ «ՅՈՒՆԻԲԱՆԿ» ԲԲԸ-ի կողմից ք. Երեւան, Կոմիտաս 62 հասցեում կանցկացվի աճուրդ հողանրական եղանակով:

Թիվ 27 լոտ՝ ոսկյա ջարդոն 18.7 գր. ընդհանուր քաշով (զուտ քաշը 15.2 գր.) 585 հարգի, լոտի մեկնարկային գինը՝ 258.000 ՀՀ դրամ: Թիվ 28 լոտ՝ ոսկյա ջարդոն 11.5 գր. ընդհանուր քաշով (զուտ քաշը՝ 11 գր.) 585 հարգի, լոտի մեկնարկային գինը՝ 186.000 ՀՀ դրամ: Թիվ 29 լոտ՝ ոսկյա ջարդոն 8 գր. ընդհանուր քաշով՝ 585 հարգի, լոտի մեկնարկային գինը՝ 135.000 ՀՀ դրամ: Թիվ 30 լոտ՝ ոսկյա ջարդոն՝ 17.1 գր. ընդհանուր քաշով (զուտ քաշը՝ 16.5 գր.) 585 հարգի, լոտի մեկնարկային գինը՝ 280.000 ՀՀ դրամ: Թիվ 31 լոտ՝ ոսկյա ջարդոն 13.8

գր. ընդհանուր քաշով (զուտ քաշը՝ 13.5 գր.) 585 հարգի, լոտի մեկնարկային գինը՝ 229.000 ՀՀ դրամ: Թիվ 32 լոտ՝ ոսկյա ջարդոն 19.7 գր. ընդհանուր քաշով (զուտ քաշը՝ 19.5 գր.) 585 հարգի, լոտի մեկնարկային գինը՝ 330.000 ՀՀ դրամ: Թիվ 33 լոտ՝ ոսկյա ջարդոն 19.3 գր. ընդհանուր քաշով (զուտ քաշը՝ 19 գր.) 585 հարգի, լոտի մեկնարկային գինը՝ 322.000 ՀՀ դրամ: Թիվ 34 լոտ՝ ոսկյա ջարդոն 23.7 գր. ընդհանուր քաշով (զուտ քաշը՝ 23.4 գր.) 585 հարգի, լոտի մեկնարկային գինը՝ 397.000 ՀՀ դրամ: Թիվ 35 լոտ՝ ոսկյա ջարդոն 9.2 գր. ընդհանուր քաշով՝ 585 հարգի, լոտի մեկնարկային գինը՝ 256.000 ՀՀ դրամ: Վերոնշյալ լոտերի մեկնարկային գինը, կապված աճուրդի օրվա դրությամբ ոսկու շուկայական գնի փոփոխության հետ, կարող է փոփոխվել մինչեւ մեկնարկային

գնի 5 %-ի չափով: Լոտերը գրավի առարկա են, վիճակը՝ բարվոք: Աճուրդին մասնակցելու համար ներկայացնել անձնագիր, մասնակցի վկայական /տրամադրվում է տեղում/, հաղթող է ճանաչվում առավելագույն գին առաջարկած մասնակցից: Նախավճարը՝ լոտի 5 տոկոսի չափով, վճարվում է կազմակերպչին աճուրդի բացումից առնվազն 30 րոպե առաջ, լոտի ուսումնասիրումը՝ մինչեւ աճուրդի բացմանը նախորդող յուրաքանչյուր երկուշաբթի եւ ուրբաթ օրերին՝ ժամը 9:00-13:00 ք. Երեւան, Կոմիտաս 62 հասցեում: Աճուրդի կանոնակարգին ծանոթանալու վայրը աճուրդի անցկացման վայրն է, պատճենը տրամադրվում է դիմումի հիման վրա: Հեռ.՝ +374 43 00 42 27: Բանկը վերահսկվում է ՀՀ Կենտրոնական բանկի կողմից:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:





ԿԱՐԳ

**ՀԱՐՑ.** Ես ուզում եմ իմանալ, թե ինչ փաստաթղթեր են անհրաժեշտ որդեգրման դեմատեղի գրանցման համար, եւ որքան է կազմում դեմատեղի տարբերակը: Խնդրում եմ նաեւ տեղեկացնել, թե ինչ ժամկետում է կատարվում որդեգրման դեմատեղի գրանցումը:  
Մարինե Ամրոյան (41 տարեկան, տնային տնտեսուհի)



**ՊԱՏԱՍԽԱՆ.** Քաղաքացու հարցին ի պատասխան՝ տեղեկացնում ենք, որ որդեգրման գրանցման համար պահանջվում է ներկայացնել՝  
1) որդեգրողի (որդեգրողների) անձը հաստատող փաստաթղթերը (պատճենները),  
2) դատարանի՝ որդեգրման մասին օրինական ուժի մեջ մտած վճիռը,  
3) երեխայի ծննդյան ակտային գրանցման տեղեկանքը կամ ծննդի պետական վկայականը,  
4) դիմողի անձը հաստատող փաստաթուղթը, եթե դիմումը ներկայացվում է լիազորված անձի միջոցով:  
Միաժամանակ հայտնում ենք, որ որդեգրման պետական գրանցումը կատարվում է դիմումը եւ անհրաժեշտ փաստաթղթերը ներկայացնելու նույն աշխատանքային օրը: Օտարերկրյա քաղաքացիների եւ քաղաքացիություն չունեցող անձանց կողմից որդեգրման պետական գրանցման ներառյալ վկայական տալու համար պետական տուրք չի գանձվում:

**Հայաստանի Հանրապետության արդարադատության նախարարություն**

**«ԺՈՂՈՎՈՒՐԳ».** Նշենք, որ որդեգրման պետական գրանցման համար հիմք է դատարանի՝ որդեգրման մասին օրինական ուժի մեջ մտած վճիռը: Որդեգրման պետական գրանցման համար դիմումը կարող է ներկայացվել որդեգրողի (որդեգրողների) կամ նրա լիազորված անձի միջոցով: Որդեգրման պետական գրանցումը կատարում է ԱՆ քաղաքացիական կացության ակտերի գրանցման գործակալությունը: Դիմումները գործակալություն են ներկայացվում էլեկտրոնային եղանակով կամ սպասարկման կենտրոնների միջոցով:

ՍՈՑԻԱԼԱԿԱՆ

**ՀԱՐՑ.** Անչափահասին կամ անգործունակ կամ սահմանափակ գործունակ անձին կենսաթոշակ նշանակելու համար ո՞վ դիմել է դիմի կենսաթոշակ նշանակող մարմին:  
Զենյա Օհանյան (53 տարեկան)



**ՊԱՏԱՍԽԱՆ.** Անգործունակ կամ սահմանափակ գործունակ կամ մինչեւ 14 տարեկան անչափահաս անձին կենսաթոշակ նշանակելու համար նրա հաշվառման վայրի կենսաթոշակ նշանակող ստորաբաժանում գրավոր դիմում է ներկայացնում ծնողը (որդեգրողը կամ խնամակալը կամ հոգաբարձուն):  
Եթե անչափահաս կամ անգործունակ կամ սահմանափակ գործունակ անձի օրինական ներկայացուցիչը համապատասխան կազմակերպություն է (մանկատունը կամ հոգեբուժարանը), որտեղ գտնվում է անչափահաս կամ անգործունակ կամ սահմանափակ գործունակ անձը, նրան կենսաթոշակ նշանակելու համար գրավոր դիմումը եւ անհրաժեշտ փաստաթղթերը կազմակերպության գտնվելու վայրի կենսաթոշակ նշանակող ստորաբաժանում է ներկայացնում այդ կազմակերպության ղեկավարը կամ նրա լիազորված անձը: 14 տարեկան անձն իրավունք ունի կենսաթոշակ նշանակելու համար դիմել անձամբ:

**ՀՀ աշխատանքի եւ սոցիալական հարցերի նախարարություն**

**«ԺՈՂՈՎՈՒՐԳ».** Կենսաթոշակ նշանակելու համար բնակության վայրի մասին տեղեկանք չի պահանջվում, բավարար են անձնագրում քաղաքացու անձնական տվյալների եւ նրա հաշվառման վայրի մասին նշում պարունակող էջերի պատճենները:

ԼՈՒՐ ԿԱՐԴ

Լուսանկարը՝ համացանցից



Շառլ Ազնավուրի 100-ամյա հոբելյանի կապակցությամբ՝ օրերս Փարիզի 9-րդ թաղամասի Նավարեն 22 փողոցում բացվեց հուշատախտակ՝ նվիրված աշխարհահռչակ երգիչ Շառլ Ազնավուրի հիշատակին: 1939-1956թթ. ընթացքում Փարիզի Մոնմարտր պատմական այս թաղամասում է Շառլ Ազնավուրն անցկացրել իր մանկությունը:

ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

ԱՌԱՋԱՐԿ

հայկական տպագիր մամուլից


«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



☀	Շիրակ	+2 + 6 +14 + 18	☀	Արարատ	+9 + 12 +22 + 24
☀	Կոտայքի լեռներ	+2 + 6 +13 + 16	☀	Արմավիր	+8 + 11 +22 + 24
☀	Կոտայքի նախալեռներ	+8 + 11 +19 + 21	☀	Վայոց ձորի լեռներ	+2 + 5 +13 + 15
☀	Գեղարքունիք	+2 + 5 +13 + 17	☀	Վայոց ձորի նախալեռներ	+9 + 11 +22 + 24
☀	Լոռի	+3 + 5 +13 + 16	☀	Սյունիքի հովիտներ	+8 + 12 +18 + 21
☀	Տավուշ	+7 + 10 +17 + 19	☀	Սյունիքի նախալեռներ	+4 + 8 +14 + 17
☀	Արագածոտնի լեռներ	+2 + 4 +12 + 14	☀	ԼՂՀ	+5 + 9 +14 + 16
☀	Արագածոտնի նախալեռներ	+7 + 11 +19 + 23	☀	Երեւան	+16 + 18 +21 + 23

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երեւան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03U089086  
տրված է 24.11.2010  
Ստորագրված է տպագրության 20.5.2024

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում  
խմբագրություն հանձնված նյութերը չեն գրայնաչափում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում:

«Ժողովուրդ» օրաթերթում հրատարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»: